

道古堂詩集

道古堂詩集卷十

仁和 杭世駿 大宗

翰苑集 四

同年趙太僕

大鯨

沈編修

昌字

載酒過小隱園奉

餞閣學李紫庭先生予告還南康卽席分賦

廿年講席喜從公  
化澤旋施笑語中  
三省從容通御氣  
六堂重疊灑春風  
朝方賜几身猶健  
年未懸車道更崇  
今日玉河誰戀別  
寸心長逐布帆東  
華轂平驅綺陌塵  
奉

恩特許乞閒身  
廻看九列無前輩  
及見

三朝是老臣廬嶽定增新氣象鸞臺猶剩舊經綸絳紗  
弟子今餘幾敢說傳衣有替人

春雨難名教澤多媿無清句頌巍巍挾天鴻藻千夫唱  
造士豐碑萬口哦後樂不妨耽水石遺榮直欲挽江河  
船窗啟處檣烏集斲取雲嵐入嘯歌

恩顧頻仍未易酬賜歸今喜狎閒鷗無煩官簿誇三監  
賸有清聲徧九邱小序共攀楊少尹短屏添畫白江州  
山居他日蒲輪聘祝哽何須玉杖鳩

雨後招同夏檢討之蓉金國簿焜金編修文淳張

孝廉藝集疎雨書堂分得江字

好雨趁遙夜直下如奔龍枯澗泄泉脉涓滴猶淙淙屈  
指池面水坐看成清江亡何衆鳥喧初日已在窗二三  
子來過有意倒酒缸奇思鬱方寸突兀不可降盍相與  
賦詩清韻恣撻撞愛此幽妙境勝事每獲雙雨以洗積  
壒詩尤絕紛囀土音操吳楚宛若遊鄉邦良會去苛謹  
逸興凌崆峒何如兩厓間向若浮舲艤

午睡至莫吳二

瑋增

有詩見調次韻

苦無好夢到青羊夢見幽窗瀉水光新雨已能寬輦路  
晚陰旋看上花當塵中未許支身穩劫外偏饒得趣長  
欲著卮言論齊物莊周蝴蝶總匆忙

倪三

秉直

自王平口寄杏一駄

佳杏何方最西峯更遠巖摘來猶帶葉駄到急開緘紅  
綻香仍斂漿濃味自函掌蕘供轉玩口角淪清饒擣核  
堪調酪按塵欲染衫幾時林下憩賣藥把長鑱

題周檢討

長發

新居次韻

辛勤積俸構茅堂院院松棚散午涼驢券未償空滿紙  
菜傭求益易盈筐青楊舊侶應名妥白練門生記姓羊  
習禮時時陳俎豆入門先挹簡編香

翌日與諸同年再過復用前韻奉簡

觸熱傳經到講堂絺衣乍解意先涼  
寒帷兒乞鈔詩筆

入市僮攜采蕨筐  
賢婦善藏真一酒  
諸生爭奉束脩羊  
由來千古文章事  
暫取南豐一瓣香

題潘憲勳

詩後兼寄南海羅孝廉

天尺

梁進士

長

潘生熊豹姿躡屨自南越  
詩如曹景宗人比王僧達  
翹關氣雖勇橫槩興難遏  
珠江弄晴波錦石蔭清樾  
栽栽五層樓均尹有餘沫  
飛觴集名賢結社闢海邦  
風雅區遺韻未銷歇  
羅蘇梁何陳各各露天骨  
古音去淫哇壘篴儷松楸  
古妝羞倭墮象締耀鬢髮  
大道尚榛芳時風莽轆轤  
諸君南國彥秀句出懷褐  
天巧工剗鏤神

鋒捷機筭牆匡牡蠲羸往往漬題跋富覽九州大窮海  
自垓北紫瀾激消泚遊氣縱排幹降王失旌麾珠官罷  
采掇紫棟間青簣孔翠羽毛蔚文章五色宣鍾毓在微  
物矧伊獻足徵壁壘舊碑碣後來領袖誰一出遂超忽  
三才憑雕鏤萬物供抄撮錦胸張駢羅逸氣洩奇崛含  
風仍猗那息浪轉雄濶始知五羊城才較吳楚核君行  
叩天關大校試千厥不哂枝官窮挾冊竟投謁偃僂升  
賓階坐失壯夫乞貽我蕉扇團金玉巧剗刷詎能揚仁  
風聊以志披拂動搖懷袖間但覺香氣鬱鶴墅詩百篇  
曳響九天戛情瀾發英靈密咏到草薺蛾眉雨餘峯秀

色不可割吾衰抱遺經騷賦概抹掇焉能強解事過客  
語相晤感君金石意掩卷眼猶豁因茲見獵心既往有  
萌耕竹看都試場餘力微蹲札黃眉霹靂鳴仰面落鵠  
鵠酒酣心養養險韻限擊鉢吾雖律未嫻十可和七八  
言念五山侶旅思劇怳歎月上牛欄門潮水添一捺舉  
舉媚學子依倚若蛩蛸羅先不得志歸去華門闔商歌  
撼四鄰有意謝簪紱梁生擁臯比精舍長松栝搜漱九  
陌塵別我幾裘葛事往增歎嗟歲過易驚怛因君寄遠  
音庶以志飢渴

題聽雨詩後簡陳檢討

兆崙



養性嵇康懶未更書堂欹枕沸瓶笙鳥如避客穿巖去  
雲欲窺簷壓樹生酒政琴言前日事江鄉草閣十年情  
題詩爲報陳無已得暇同來坐月明

題聽雨詩後

錢唐汪由敦謹堂

墨雲一片催詩黑翻却天瓢來頃刻簷垂飛瀑萬瓦  
鳴虛堂颯颯驚秋聲憶當夏旱苦相望玉粟珠襦拜  
嘉貺此時勤買玉壺春側耳不負同心人輕雷過後  
淨天宇不賦愁霖賦甘雨

長洲沈德潛歸愚

秋風昨夜生涼氣集澗戶佳人日暮來遠道合儔侶

同心訂金石禮數忘賓主窗外響瀟瀟散絲灑庭宇  
人生良覲難百家聚幾許天意且畱客今宵只處處  
茶烟裊簾旌幽蟲語荒圃更深興未闌坐聽空堂雨

題翟灝戴笠圖

其笠伊糾非尋非收害馬旣捐亡羊不求左圓右方彊  
學待詼使營東臯參盟兩鷗

張公子雲七夕寓齋小集

避暑如避人裹足絕遊行虛堂少來踪華歲莽激箭密  
友三數人未得數相見良辰撰新秋宿諾期必踐揭幔  
無流塵在御有琴薦時時選玄言續續進美饌風日放

清淑雲漢極婉變翻書愜幽情隸事去謠諺失笑俄絕  
纓屢舞不側弁得句防俗驚向客借秋硯妙語衆口諧  
孤詣能手擅高論續王符內學美張璠今夕此何夕流  
目能忘晏他時溯清遊勝地吾所眷

七夕雨後趙上舍過訪書堂余以張公子佳招不  
值率賦奉簡

天公有意戲癡牛屈注銀潢水倒流小閣儘拚三日醉  
高枝先漏一分秋題門客去風吹鑰賭墅人歸月滿鉤  
瓜果轉從兒女乞今宵不上曝衣樓

七月十三日奉

敬恭次

御製秋日郊行韻

晴郊芳樹露華滋一覽天光碧四垂  
草散柳陰隨馬踏水翻荷氣得魚吹  
含風葦路青于染過雨山痕澹似詩  
共喜

宸遊能鑑物曦輪常較六飛遲

恭次

御製新秋試筆韻

蟬愛新涼作意鳴河橋一夜散秋聲  
樓頭高樹捎雲落闌角幽花裊露明  
望遠不知銀漢迥感時最切玉關情

晚來得沐天街雨却看苔痕漸漸生

恭次

御製食荔支有感韻

側生嘉果是離支范史曾標錫貢奇  
玉乳甘回香自越瓊漿涼沁夢難移  
千章遠向三山見一顆能令百日思  
聖孝從來通四海嘗新先厪寢門時

是日

恩賜瓜果詩成 賜扇二握

借硯中書省摘毫政事堂先呈元老看一字費平章  
賜果

君恩渥陳詩史筆慚侍臣宣喚數長到石橋南

懷核知循禮巾絺特許嘗對人誇說徧齒頰有餘香  
畫扇擎來重揚風愧未能只疑襟袖裏暑月尚懷冰

從董浦太史乞觀尚方香扇

仁和趙一清誠夫

香籠衣袖早朝回輪對公膺出衆才障面免教庾亮  
汗聚頭聞說蜀王材涼分禁籞傳宣至恩遇

君王顧盼來一握仁風從乞與奉揚知已徧埏垓

七月晦日趙

一清楊炯文

過訪書堂出觀文待詔

墨蹟卽用其卷中人日直夫小園讌集韻

石闌處處點秋英過伏真成一月晴寫韻遣奴開錦軸

估書畱客坐茅衡閒懷擬續金壺記妙語如餐玉帶羹  
解事嬌兒隨口讀倚風絕勝囀林鶯

同人釀酒書堂送趙孝廉賢遊保陽

出處途雖異邱林性本齊狂歌非夙昔情話轉淒迷山  
月窺生客屏風續舊題牀頭有書卷與劇官相攜

明日復餞許鉞分得秋衣

改律還初服開箱一懽然風多愁坼縫霜重欲裝綿睡  
鳴熏先透疎衲擣未便迴憐驢背客吹葉打吟肩

中秋前一日張博士永祥見過茶話

雲物新秋景氣饒高軒官過不須招觀天乙巳占應驗

博士以數月前名校歷元嘉議費調博士以張大司寇對言天事皆驗薦入經史館校各  
史天文律預擬桂輪今夜滿翻愁華館去途遙耳邊吳  
歷諸志語聽來熟不得篝燈共此宵

秋雨淒綿成五斷句

曉起屏山掩畫螺驚風有意撼槐柯空堦幾日苔痕合  
脫葉飛來雨點多

雨橫風斜晝少歡茆堂高枕軸簾看平階溝水潛通壑  
鳥下喧濤更較寒

蒼皮溜雨滴空腔時遣卑枝拉小窗絕似烏篷船底坐  
風蘆獵獵破烟江



巖扉過雨發寒皴石色蒼涼不見人偶向翠廊閒倚拍  
兩枝紅蓼漾秋鱗

圍牆隱隱過林鐙風拗喬柯裊蔓藤持較江天更寥泐  
情懷孤似六朝僧

戴延禧

自江東至周天度自上谷至共集書堂酌

酒

涼雲不動午天高二客同過誦楚騷秋思妙融邊地雪  
情瀾直泝大江濤來禽刷羽傳清響倦僕駢肩看彩毫  
老去漸知貪醉地爲君一笑引香醪

過趙一清

用東坡梁左藏會飲傳國博家韻

巖巖酒陣朝飛檄  
兔瓊雞缸紛不一  
敬容殘容罷周旋  
特敕常關脫名籍  
筵前碁梁鎮相娛  
絕勝彎弧掣鳴鏑  
橫窗秋色弄幽姿  
疑有花魂呼欲出  
爲憐十指費詮排  
相遣雙螯破岑寂  
別璚秀句寫懽悰  
歸咏聲應出金石

九日遊憫忠寺

勝日宜清遊  
佛屋無窘步  
潭潭憫忠寺  
遐跡契夙慕  
牽率世外朋  
聯轡造覺路  
周遭青豆牆  
蒙密杪樛樹  
三門靜羣鷺  
徑轉見桂楹  
欣此精進林  
一一愜所遇  
石幢滿字鐫  
深鏤吉金鑄  
唐捐競豪奢  
巧匠倆規矩  
意行不逢人  
飛鴿導我屢  
晚花妙心香  
落葉響秋屢  
枯僧踞竈觚

抱膝儼翹鶩齋廚澹無烟相向煨殘芋夕明戀寒空約  
客共一賦

歸集書堂食螯分賦

梵放歸來眼倍明雙螯入手一卮傾月華漸放屏猶却  
霜信雖慳菊已英聯句事殊侯叔起解莊人是范長生  
涼風木末賓鴻遠釀得良宵似水清

送趙一清南歸

此去猶乘薄笨車霜淒風急渺愁予耦耕舊約詞空費  
作伴還鄉願又虛淮楚流亡方輾轉江湖耆舊幾乘除  
平生一段懷人意爲爾臨岐雪涕書

送吳瑋增之江南

念君冰雪姿一意臥林壑廿年間巷遊廻首事如昨一  
朝束輕齋塵海忽插脚吾嬾過奚康拙宦笑落拓閉門  
謝造請藉爾慰寂寞有言共賡唱有酒互斟酌荒齋食  
無魚午飯飽藜藿媿無鐘鼎志頗悉衡泌樂胡然使車  
來禮聘不可却倥傯理驢券欲語意先惡廣廈願洵虛  
客去滋滋忤本爲憂竄憐一旦失懽噉釀錢破囊慳買  
酒市脾臆弦以朱絲徽琴聲酒間作哀怨不具陳大概  
寫離索人生衣食艱譬若忍飢鵲蒼涼烟水鍾隻影赴  
寥廓稻粱謀未安三匝渺難托高文不療貧肝膽日銷

鑠所以士不遇自昔感淹泊君行往江南觸境易驚噩  
五六月之交大雨泄瀉割坤輿任簸掀金隄決圯墜渺  
與洪湖通漸至沒城郭過船高樹顛千里少捍格大蛇  
出噬人波而莽騰躍飢民相枕跽劣得供飽嚼荒城客  
經過敲火用燔灼懸門上蒿萊那復辨鎖鑰遺黎餓不  
死強以肉其弱弱肉漸不支白晝公肆掠入市闕無塵  
焉得有金攫索米於縣官洶洶跳狙獾有威不得嚇有  
法不可縛吾聞諸道路輿誦頗相若吁嗟河隄使先事  
昧方略岐途爭決排故道失疏鑿初狙一夫見竟鑄六  
州錯子乘掀頭船三板頗寬綽周視兩厓間何路覓橫

約家鄉望非遠不得躡芒屨我懷漆室憂內熱甚燒焯  
坐歎人謀疎匪伊天肆虐今年歉西成倏忽轉歲籩流  
亡未收集焉望理錢鋪倉儲旣難憑轉漕不可度窮邊  
兵食艱枝官俸錢薄家國本一揆忍視燕巢幕恩膏不  
患屯天施恐難博傳語守土吏孔亟卹民瘼

喜查解元

爲仁

汪上舍

沆

自津門至次符戶部

會

韻兼懷陸生

宗蔡

牛鐸猶能中古音解鞍先喜得同岑不愁酒過狂難制  
驚見詩才老更深燭影簫聲迴昨夢江風海雨溢靈襟  
陸郎一去斑駁隔小雪誰來慰苦吟

明日查解元攜令嗣

善長

見過復集書堂分賦

瑟瑟華堂夜向深  
昨宵歡會又成今  
九枝綢鑠鐙搖幌  
一色荒寒月罩林  
竹篠劇憐賒痛飲  
桐花驚見唱清音  
老顛剩有吳通守

廷華

失喜翻令酒涇襟

十月二十五日武殿試臚傳門下士賈生

廷詔白

生

鍾驥

皆

賜一甲及第賦此志喜

彩仗晴烘雪色明  
班行親聽句傳聲  
鸞弧已博天顏喜  
擐甲能來御道行  
共說章溝添宿衛  
益欣吾道得干城  
平生自詫詩壇將  
對此惟應號老兵

問

天度

雪中見過

臥聞埽地聲深巷斷行轍孤吟斂羣喧初見十月雪荒  
荒雲頽檐習習風攪穴冬心絕征營枯坐便養拙破徑  
雙屐來失喜覲賢哲情閒如不閒萬有同一潔

戴周二君復過用孟襄陽姚開府山池韻

野客耽幽興凌風上曲臺雪天長自曉竹戶不曾開遠  
意將雲度寒聲續雁來蕭閒同向夕促坐試清才

紅泉館對雪用東坡聚星堂禁體韻

林坳颯沓飛乾葉堦畔霏霏漸鋪雪更長欹枕疑有無  
曉起開門叫奇絕霜棱瘦壓幾分高竹外時聞數枝折  
灑空劇喜潔可親徹夜應知光不滅布地仍猜海水熬



著壁還疑電火掣平凝直欲變崖谷乍點偏能滲衣纈  
頻來竹屋結空響忽向松科墮寒屑褰裳不讓孤鶴鶩  
決背俄看一鳥瞥寒廳寫句較雪清妙境時時借詩說  
排籤十指呵更僵曳袖行吟如裹鐵

明日金編修

文淳

見過再次前韻

上天漠漠沉雲葉釀作連朝風外雪九衢合沓駝不鳴  
千里寒空雁都絕霜條密密花鬚攢冰柱丁丁釵股折  
搜求黃竹恣彈壓吹攪青鐙半明滅梳翎似有白鶴翔  
掉尾遙知玉鯨掣特開奇景盪心胸劣得虛窗飽眼纈  
已欣羣穢竹包荒略著纖塵轉不屑金門詞客頭銜清

瘦馬凌兢到門警紛綸清豔吐牙慧邀我題詩戒勦說  
三錢買得蚶蛤毫琢句公然能截鐵

十五日復雪再過紅泉館呈董浦先生

錢唐金文淳質甫

漫空歷亂如飛葉宿雪未消今又雪十里五里行人  
稀千山萬山飛鳥絕先生招我飲羊羔滑澁斜街屐  
齒折三分著樹眼乍明一尺平階路幾滅垂頭瘦竹  
何其恭壓帽枯枝不堪掣手僵呵凍墮十指肌粟生  
稜透重纈晚來風急更蕭蕭夜半分題何屑屑隔窗  
漸逼鐙燄小靜數更籌惟一瞥王謝清談君最優歐

蘇逸事吾能說此時不醉醉無詩何異六州成鑄鐵

次田少宰懋歲寒懷友圖韻

采菑行當就爾居轉因隔別重鄉間抒情清禁鳥啼曉  
感舊空山木落餘士禮讀終盈涕淚衛詩刪後剩踟躕  
陘山西上無窮險莫怪鴻來少報書

長至日看象聯句用昌黎陸渾山火韻

緹室葭動夜氣渾

山陰王任湖可久

大祀遠溯萬物源

錢唐吳廷華中

林間闔談蕩雲脚吞

錢唐戴廷煒綸掌

華蓋羽璫金根軒世駿園

丘燄燄初柴爝

錢唐金焜赤泉

普黃蹀躞彌臯原

錢唐陳兆崙星齋

五

象厓燧陵厚坤

仁和金生雨叔

屹然嶽立絕鄂垠

錢唐金文淳質甫

樞

光星朗勾陳垣

錢唐周天度讓谷

珠纓寶絡排黃門

陽湖蔣和寧川安

文闕十色輝朝暉

武進陳滋長卿

蠻奴下上捷騰猿

武進劉星煒印子

詭體皴駁蹲疥瘡

仁和翟大川

濶行大步舒翔鷗

仁和翟廷法荆山

天衢緩駕靜不奔

漢陽張藝東園

氣壓百獸形模尊

任湖吉雲

跌坐卑鹿園

廷華

金瓶鬼背萬寶繁

廷禧

萬目環注萬

口喧

世駿

山移次第儷簾塤

煜

招搖連蜷旂旗旛

光崙

垂鼻宛宛竿揭禪

姓

陰虹怒決連尻臀

文淳

黃朱鸞離

輿轆轤

天度

飲飛夾馳分縈韃

和寧

香陰砑隱來雲輻

滋

豐隆駐節靈旂帟

星煒

射牛虻瘞無歸牖

顓

獨爾蠢

蠢猶陵屯

廷法

巨迹深隱龍負盆

藝

鑄形麟困儕犧罇

任湖

駢闐肉陣高言言

延華

睢盱却走人海翻

延禧

大

旨欲挽陽和反

世駿

頑皮矚動兩目暖

焜

五丁分行鞭

雲根

兆崙

左右傲睨無龍孫

姓

千氣萬力集趾跟

文淳

度支月廩咸

帝恩

天度

六牙珂雪墳厥元

和寧

戔戔

腰脊愁攀援

滋

南荒赤蠟胡足論

星煒

闐然直入摩高

閹

灝 頽壤陟剝撐瘡痕

延法

元尊般裔虔心魂

藝

靈寢

震澹消煩寃

任湖

帝釋調御威神存

延華

甘蕉都蕉供

噍殄

延禧

玉河沒浪從姘婚

世駿

萬里底貢傳滇昆

焜

鉅墀拜舞當關蹲

兆崙

莫教狂醉如崩騫

姓

扁鐫石室

勿復怨

文淳

圖南有羨移海鯤

天度

宸居崇衛依昆崙

和寧

章溝嚴署番朝昏

滋

燿火蘊燎蕭炳焚

星煒

侍祠

歲舉匪數煩

滿

雄詞擬鑄宛鼎捫

廷法

薰爐

爲熨輕寒宛轉攜修來長得近柔荑  
縈回翠被風前出  
琯刻金輪月樣齊芳韻尚能禁  
午夜熱腸也宜傷單棲  
不知誰仿西京製空惹香籤弄筆題

自題歲寒圖

屋角喧喧雪後風  
家山想像歲寒中  
春雷乍落癡兒手  
只向人前嚇乃翁

宜興

吳

綬

泊邨

二 蓮下堂前集卷一  
五  
煤花臭味柏枝身  
合併松心與竹筠  
勝客滿堂盡豪傑  
未知同榻是何人

層冰積雪不能侵  
應有春雷起蟄音  
新竹上升松蓋長  
直須長葆歲寒心

青浦 胡寶琬 泰舒

可愛南枝愛北枝  
雪中圖寫但依稀  
松前竹外橫斜好  
抵得西湖萬玉妃

梢梢溫麝春盎盎  
層蘇酩酊歲堂堂  
不須蠟鳳看僧綽  
一點芳心卜夜光

雪中集紅泉館送汪 沆 之福州周 天度 之淮上聯

句

朔雪夜莽蒼封徑不可彗穿林見屐痕打門故驚睡世

噤痒到毛髮沾溼在帟帔穆穆如有思卒卒何所爲陰山

王任湖具區近別不知愁遠別心煩熾執袪黯無言錄別在

取醉錢唐汪命庖絮羞尊戒客後先至清歡期永夕雜

坐語無次錢唐周天廢續八能士紛綸五經笥蘭蓀抱

奇芬韋弦結幽贊山陰周大卓犖無近情俯仰多古意

百觚恣喧騰丈室轉清闕錢唐趙積素照虛襟紛麻雜

離思融情發丹府寒氣遠相避仁山和翟難燭不嫌跋陳

簋豈求貳顛倒沒杯杓瑣碎乞鹽豉仁山和翟南烹洵



堪珍冬釀不難致方言著鄉情雅令徵僻事

世駿

談豪

餘可賈理妙近取譬歡悰浩無方潛懷耿靡暨

任湖

感

慨屢撫髀從容起攬轡萬里矜壯遊九有竚竚議

大樞

棲塒笑雌伏摩霄學鷹鷂東南苦溼腐西北足塵膩

賢

汗漫隨盧敖荒唐追赤驥馳輪駕三山暫出亦遊戲

廷

法薌淪鳳山茶鮮剝楓亭荔禽呼習侏儻詩藁續骹骹

沉河魚昨大上哀鴻滿徐泗書生事刀筆袖手徒呀齮

天度不忝管樂才均負公輔器借箸無迂闊叩囊有餘

智

灝

大材用固難小車去何駛寧令寄當歸未許嘲遠

志

大樞

雲霞友誼高金石天情摯杜甫笑老狂魏徵殊

嫵媚

任湖

先路既有導前修渺能企致身期絜清舉足

懼顛躓

世駿

瓠落無所容萍跡偶相值枘鑿付方員牽

輓任軒輕

賢

旗亭柳尚髡驛路草未翠贈君與送君含

情兩不遂

灝

妍妍美風度翩翩盛書記迢迢歷國都累

累煩遞置

廷法

或登劉伶臺或莅無諸治低回國士里

縱覽海客肆

世駿

曉烟單舸輕春風片帆利河流盪日

光灘響徹夜寐

任湖

遠移一枝巢願孤九州被高會續

鄧城歸夢托湖寺

沈

古歡膠漆投雅操熊魚嗜良言互

丁寧隱抱各宣示

天度

身世寒號蟲歲月過隙駟昔爲

同隊鱗今作分飛翅

賢

勝事共牽拂幽興各遙寄羣居

淡已忘分手景難寘

灝

談調慰羈孤師友見風義驚心

津梁疲矯首河山異

廷法

雲物豁靈襟風禽入遠背但

令水土諸母使心力瘁

任湖

耻上韓愈書嬾挾禍衡刺

獨行畏友朋令德保終始

沆

晨雞豈長暗修軫會一試

合離境詎常出處事毋亟

天度

江淮風不殊閩越俗還

懿莫悲行路難獨羨束裝易

賢

謀能蒐卒乘力可起彫

勅作奏固在工依人豈爲媿

大樞

入門羞擎裾前席每

倒屣文章信有神風節庶不墜

灝

幕府急羽書河隄泣

朝使翳唯慎國防要令息烽燧

廷法

古賢貴令名吾黨

重氣類念之增煩相思子日慘頽

世駿

良工斂淬磨大

冶失鉗錘吾過謝不聞慨焉動深喟

任湖

翰林王國楨

流覽盡金鎖方將宏遠謨豈慮辱高位

沆

孝廉蘊壯猷

屢挫竟無恙畫理叶元賞文筆實清粹

天度

二妙聳天

骨鉅手壓蟲鼠思精發神勇才餒輒心悸

大樞

席帽仍

吾徒羔裘羨彼其追逐雲龍間跌宕優笑地

賢

蘊靈鈔

結撰抒藻互餉饋硬語聲摩空歷歷皆可識

瀛

屹如高

墉言銳如猛擊剗鏘如振韶鈞喚如結珮璫

廷法

五都

璠璣陳五音宮徵備拳拳見意深刺刺恐辭費

世駿

冰

霜知爾歷風雨不予棄著論尚窮交讀易貞內比

任湖

寒聲淅淅瀝夜色失幽邃放慵觸帷屏分光撤鐙幟大

樞飢鳥窘踳黠鼠巧窺伺巡檐索枯梅開戶見僵榴  
沈餘興何飛騫詞源劇澎湃聊以救飢虛遑復役文字  
天度迴非從軍行亦異上瀧吏且爲三年淹底用百憂  
萃瀨臨發仍分岐所惜不連騎川涂多勝情去去勿怡  
儼世駿

道古堂詩集卷十

道古堂詩集卷十一

仁和 杭世駿 大宗

歸耕集

上

查通守

爲義

招集南園卽席呈在坐諸公

虛堂過雨樹搖風容得詩翁更醉翁  
狂罪矜全邀聖主釋愁慰藉仗羣公  
十年薄宦頭顱改一夕清懽笑語通  
節物不殊泉石勝鄉情却與在鄉同

越日再集南園餞別卽次前韻

劇知風漢未全風畱得餘生合喚翁  
拂衷此時成小別題詩他日報諸公  
記曾桑下淹三宿自向屏間寫一通

多謝日來頻置酒高情真與古人同

查爲仁招過楊柳青歸遊水西莊卽事

畫舸徵歌逐路新  
淥陰疑水雨疑塵  
雲帆不改家江景  
邱壑真宜我輩人  
世味漸如詩境澹  
交情無假酒杯親  
後期更指中庭樹  
莫爲攀條便愴神

南園錄別四首

宛平查爲仁心穀

十載聲華動要津  
藜光入夜坐生春  
致身直是忘新進  
得罪終蒙宥小臣  
靜想紫苔林際步  
閒看青鬢鏡中身  
平生不忍輕言別  
且盡深杯酒一巡

小集離堂戀夕暉  
幾番惆悵挽征衣  
絲牽碧浪萍難

合色帶寒芒。星乍稀。拂袖未容豪氣減。分襟却恨至  
交違。南雲北樹迢迢隔。日斷冥鴻千里飛。

此去西湖賦卜居。如屏青嶂繞精廬。閒過籬落頻看  
竹相對。潺湲獨釣魚。異冊燈前題海錄。清觴花外奉  
晴輿。人生大好鄉園味。話到林泉一起予。

塵緣底事日相撓。偷得餘閒足一生。尙子襟懷將共  
畢陶公衡宇擬。同營青山莫漫牽離恨。錦字猶堪慰  
素情。記取今宵攜手處。一窗涼白月三更。

送龔之鉞

入福州幕并簡周侍郎

學健

龔生負奇氣。耽僻愛溪行。到枕有清響。閉關無俗情。綠



榕欺草色白鳥導灘程我識周開府知君不尙名

濯灝招看芍藥

不晴不雨嫩涼烘插向花瓷分外紅賺我頓教狂興發  
對君那便酒杯空思攜歌管難禁艷欲捲簾櫳恐受風  
直爲將離頻繾綣製名真想古人工

重過津門同人置酒水西莊餞別

良覲嗟匪易念此輒心警脩塗迫炎蒸有轡不得騁浮  
川涉沽津一櫂溯魚埂親知童冠兼情話接俄頃落日  
凌高臺畱客弄柔穎清風蕩奇懷逸興寄幽屏身非圓  
波漚心逐去帆影相將到河麋惜別屢迴頸吾生尙未

衰後約不待請

舟過淮陰程

茂

招同蕭湖月泛

蕭湖接淮流奔注凡幾派穿壕漫四野浩汗莽難界居  
民規藪利蒲葦壓擔賣剡剡翠琰鋪獵獵風梢拜青烟  
漲籬門瑤笥侵鶴砦灣環源舍藏隔閭水勢殺樊然生  
趣繁遂使波而隘秋至露漸零晚樹月初掛搖漾千銀  
盤倒射不可喝龜魚甘伏暗草木助光怪幽人例愛月  
有興不肯敗招我秉燭遊嘯傲破天械吹笛驚山禽一  
葦縱所屆圓靈倚高寒下視見纖芥全湖吞八九曾不  
一蒨蒂栗里賦寓形漆園重懸解吾生抱幽憂卽景易

感喟陰蟲午夜號忽凜太康戒蒹葭遞溯洄水月並清  
快相送歸柴荆照影瘦可畫幾時約重遊悽艷備詩話

喬孝廉

汲明經億上舍元臣

招飲縱櫂園

到門便覺綠差差許借漁竿作釣師野水幾枝穿戶牖  
高城百雉當藩籬松矜蒼鬣撐簷立柳曳涼蟬盡日嘶  
好事猛思湯小宰雲裝月駕坐題詩

高懷誰似石林翁言事休官品地崇朝右丰裁吾未逮

詞科名次偶相同

康熙己未林先生名在第五

石一番握手茶瓜

外異代知心涕淚中遠送柴門還惜別識君愛客是門

風

新秋雨後馬員外

日珣

招同武陵胡中丞

期恒

竟

陵唐吉士

建中

休寧程編脩

夢星

吳江王徵士

藻

歙方明經

士應

錢塘陳處士

章

江都陸司馬

鍾輝

閔上舍

華

潼關張上舍

四科

小集南齋分用昌黎

秋懷詩十一首韻送余還山余得第四首韻

虛堂過新雨颯颯爽氣凌階卉有潤葉畫幃無秋蠅我  
來破苔徑分免襍穢憎須臾風幔開斜日露半稜輕條  
避人影捷若初脫臂披襟相與閒微詠尙可能

漢銅雁足鐙歌爲馬

日珣

賦

槃下銘云竟寧元年

鑑重四觔十二兩護武喬夫霸楊廣漢主右丞賞  
守令麋護工衣史不禁首山宮內者弟廿五受內

者

名山八所青嶸嶷五在中國蠻夷三首山銅出光蔚藍  
太乙褒炭龍下探羸顛項蹶六合龕卯金裁宇崖谷鑿  
倒茄狎獵夕景含竟寧親祠泰時南萬靈來會接珮簪  
颯然風動聞妙醯銅槃燄燄燭正燁青植廟髓蛭吐甜  
千支紅匝影互參就中次第立可撫陽烏歛翼意小慙  
翹足金屬不得趨焚膏注腹性豈耽護爲內者妙手鐸  
兩不滿百力任擔鐫寫古篆如細蠶幸不蝸蝕飽蠹蟬  
五十一字名號覃護工衣史官孰諳證漢禮器口閉蚘  
邐父淹洽慮發醢藉此補史勝問鄰至寶閱世方壽珎

朴古不厭貪夫貪馬兄易以金一甌三冬漁獵隨行菴  
細斲蠟鳳照玉面土花青映栢子潭却與異土塵苦甘  
漢家郊祀志姍姍風臺鬼道張怪談奉時獨有元皇堪  
齋宮棧欒換夕嵐是鉦親迂玉輅驂勸君切莫供宴湛  
議禮母對匡貢慙

題畫

縣流直下二千仞青桐漠漠抱孤耿晴空涼蔭曦晷穿  
二客忽來踏清影忘言相對揮玉琴山條水葉流清音  
欲抽嵇賦寫淳悶此調本來無古今

宋宮秋望用錢曲江韻

難向遺宮問舊章可經行處草荒荒寒潮不轉猶餘怒  
小雨紛來爲洗妝鴉沒亂烟尋古洞僧縫壞衲出經場  
世情只有斜陽在娛客時時上女牆

題包方伯

括

秋郊觀刈圖

儒生仕易農不讀汜勝書仁禮日鋤耨經訓爲菑畬釋  
耒來田間學稼固不如致身清明世返俗還唐虞功能  
保黎庶抱術良非迂包公領大藩匡濟所夙儲勞農於  
東作趨歛於冬初巍煌出條教力穡乃本圖餘糧棲畝  
首甌窶恒滿車官中緩徵比窮閭絕追呼民食旣已足  
民氣還自舒比方古諸侯省歛其職歟已飢念嘗厯先

憂志豈虛太平有景象繪圖聊自娛

湖上送張汝霖粵東補官

秋花驛路接空冥庾嶺岩堯舊所經江海分濤來鳥底  
孔鸞送翠入窗櫺清辭刻意酬佳境故老歡顏逐福星  
此日酒波畱客醉載將離色過寒汀

天龍寺看紅葉

清霜如畫師丹碧隨手發當其酣嬉時烘染不肯歇青  
山如畫稿處處帶林樾過秋呈妙容借以補坳凸側聞  
天龍寺屏嶂寂突兀千章楓變黃况有烏柏密土人紛  
來言未往興飛越泳川恣夷猶出郭喚輕筏路由僻巷



尋舟始石橋達詩流例稱翁各各挈吟筆舒襟曳寬衣  
振策倚瘦轡貪翫丹崖奇不厭草徑滑施從稻陂行闌  
入布金室逼冬愛疎林投老戀禪窟俯窺凝翠泉快試  
小團月天風助高晴吹葉轉紅活意行路易岐眇望境  
難悉近瞻拜郊臺遠睇錢氏碣攬古多滯淫金烏澹將  
沒遵塗意未闌倚施看山骨

哭金明府

虞 三首

想魂千里外懷舊廿年前密意吾能契高文爾自傳  
斤存思郢匠絃絕失成連嗚咽西泠路吹簫葬此賢  
京國一回見橫街接履蒸酒杯餘故態懷袖出新詩才

大難酬志官清祇益悲  
旅途愁浩蕩復魄有佳兒  
徵士非無頌粗官不稱才  
艱辛君自問懷抱幾時開  
五管鐫奇句三湘動暮哀  
玉棺真個下何淚寄泉臺

甲子書懷

衡門兩板短差肩喜值唐  
堯甲子年傍郭漸忘山遠近  
入春整共酒流連投閑轉愛生涯拙  
開卷常誇樂事偏  
雨便下帷晴出市頭銜新署地行仙

簇簇梅梢凍未醒二分春在謝家庭  
娛親計日營兼味  
課子隨人占一經賦稿每依藩溷改  
婦言試踞竈觚聽  
近來苦被詩人識寫我癡頭上畫屏

元亭劣可隱雙趺漢聖經神任世呼悶卽捉棊招橘叟  
癢思搔背倩麻姑春遊尙鼓連朝興詩債先償隔歲逋  
所學問渠何可信略知止足稱潛夫

浣筆猶能頌太平更饒頑健荷天生投鄰看竹頻驚座  
借寺譙經偶出城好事傳來疑失實新知過後恐忘名  
祇慚飽食無他補長代三農祝雨晴

次韻

仁和許大綸初觀

何必羞隨噲等肩逢場游戲送韶年幽棲莫問窮兼  
達舊侶猶欣斷復連官罷好尋農圃樂春濃只愛水  
雲偏玉皇香案君曾到謫向人間作散仙

春夢纔成忽忽醒歸謀菽水供萱庭家如栗里門常  
閉地接胥山屐屢經倒載每遭隣犬吠狂吟常駭市  
兒聽雪泥鴻爪渾無迹好事何勞繪作屏

閒階把卷簇雙趺話舊時時隔竹呼博局君應輸白  
帝貰錢我愧聘黃姑有書且督兒曹讀覓句聊償筆  
墨逋小築面城良不惡好將幽事課園夫

澹蕩襟期魂礪平依然硯北一書生貪看山月頻欹  
枕爲覓茶僧偶出城投刺每驚緣底事逢人生怕說  
浮名祇園有約同攜被乞與殘春十日晴

送施

念曾

之官餘姚

捧檄非爲喜名區得未聞俗從虞代化縣自漢年分吏  
散便看竹庭空祇過雲隔江容問訊不必悵離羣  
別酒不成醉分襟坐竹關一書徵士頌待訪秘圖山宦  
業遲青瑣詩情對白鷗姚江衣帶水此意共迴環

春寒效吳體

重簾不卷山館西小晴天氣寒猶稽雲頭遲日初掛樹  
草根積雪仍封泥魚闌輕冰蟄難上雀啄凍花飛故低  
窗鏗一穗石風颭吳姬擁被愁單棲

湖心亭同復園諸子作

虛廊面面俯空明恰好湖波貼岸平嵐翠到窗春社近

蘋香入座酒船行乍來輒恐風牽去眇望渾疑畫染成  
倚徧危闌攀盡柳何人能寫冶遊情

雨後雲居山房望湖上諸山

連山橫高城日夕雲所出萬物各潔齊一雨積宏力曲  
嶺紫蚓盤林莽忽露日振策挈素交縱目借禪窟修廊  
不居人寫望適其職鏡湖較昔清香塢尙今屹天光蘊  
遙青散作衆峯色意似借客看蒼秀不肯匿耽賞情輒  
移翻怪曦暑疾蔬香飫齋廚得句卽呈佛

復園紅板橋新成分賦

垂虹宛宛枕塘坳也有蒼疎雜樹交行過忽看山影倒

坐來雅稱釣絲拋，粘波小有閒鷗。傍壓岸微愁，野水滑一段紅闌。愛蕭瑟輕舟容易撼蘆梢。

讓公招集南屏山房避暑分得尙字

我行不御風，熱惱鮮所放。開士有夙招，侵曉理孤榜。重湖生層陰，入望愜元賞。到寺松竹清，一綠森萬狀。山深意彌寂，候變境疑創。山廚飫藥苗，嵐潤浹衣桁。前身廬山僧，淨住有微尙。

同大恒讓山崧亭三上人過瓶花齋時漳蘭盛放  
蕭齋吾臭味，小草見貞萋。已約高僧過，兼邀放士題。涼陰抽夕箭，芳意報中閨。秋至愁銷歇，彌堅礪谷棲。

夏日過瑪瑙寺訪元僧芳洲所鑿後僕夫泉

幽尋瑪瑙坡拾級盡苔磴樹靜陰不移濃綠莽投贈山  
僧此鑿泉殿角闢如徑淵然瀉泠泠寒響苔微磬幽光  
上佛鐙清氣襲塵甌荒廚雜松花瘦勺試葦絙錫名後  
僕夫迢遞踵前勝宋僧智圓曾于孤山鑿僕夫泉惜哉歲月湮圖志闕  
未訂事往禪味畱圓甃尙可證今有井存扶闌窺乳渚古色  
湛而瑩彈琴緬昔賢煎茗滌凡聽畱詩鎮山門汲古一

乘興

新秋雨中泛湖

秋氣蕭蕭欵竹扉秋涼習習透絺衣遙峯盡歛蒼波出



短櫂初來白雨飛清響最宜篷背聽小詩愛向酒邊揮  
穿泥不畏芒鞋濕折得荷花滿把歸

送姚主事

立德

入都兼簡魏二舍人

允迪

張四員

外  
嗣衍

涼入秋帆健蕭閒愛此行一官仍舊學五字有長城別  
緒縈衰柳生涯倚短檠紛吾年運往看爾擅時名  
故識滿燕市魏張非世朋碁耽蕭寺雨酒漬玉河冰舊  
夢春明隔閒愁展歲增因君相寄訊不寫剡溪藤

萬松書院留月掬湖兩臺落成用王荊公游亭韻  
雙臺峙烟際眇望何岩亭衆峯蘊靈氣次第來送青感

此舊觀復亮爲君子寧涼吹起林薄中有秋聲停重湖  
盪杯影客散月在櫺緬懷此臺古徙倚延空冥

抱經亭坐雨

指點屏山宿雨含果然飛灑到花南釀將涼意延秋聽  
琢取清聲助客談鬪句正思重篋席避風如坐小圓龕  
殘荷喧起高蟬歇只有幽居此味諳

秋雨集桐乳齋同用乳字

重陰漠漠秋無主向晚蓑蓑吹作雨青桐一樹紛蔽檐  
高格撐空孰敢侮倚巖僵立欲傲人對我臨風時一俯  
高齋得雨兩幽絕大葉打窗忽莽鹵軸簾對景竹閣開

勾引吟朋走蠶午或眠蹋壁或據梧或侈雕談捉枝舞  
轟轟臥甕困酒龍袞袞拈椎來義虎擬將元化一鐫刻  
詩腕雖孱力猶努我曹辨詩如辨秋秋聲無媚有清苦  
卽如此雨三數點落在高梧韻尤古酒酣得句呈蓐收  
兩師卷舌不敢吐悠然逸思積一腔散作秋痕滿天宇  
坐中秋士半熱巾物外飲徒仍接武假饒無雨不逢秋  
也復蕭閒借詩補我思賞雨雨忽來我欲延秋秋不拒  
天公有意縱逸民不盡風光任攜取試教舉示罷參僧  
世間真有千男乳

南園池上作呈鄭侍讀

江

涼碧積一頃蒼然秋始中  
寫峯無正影漾竹有微風  
野艇不著岸人家盡住東  
只些清意况常照抱經翁

咏月故事分得劉妃白玉笙

帝樂張璇闕仙姝侍碧城  
節逢秋夕迥坐近月華明  
縞袂紛相向繁音莫漫呈  
長筵看喝盡絕世獨吹笙  
手與玉同色人將鳳比聲  
翠寒堂外路娥影至今清

雨宿瓶花齋同吳城施安作

一霎高齋散酒兵  
獨留二客有詩情  
酸風戰穴寒增色  
莽雨跳階夜弄聲  
孤緒漸從雙鬢見  
百愁都向一鐙生  
殘更杳杳清無寐  
只合添衣坐到明

持螯聯句

高秋萬寶登秔稻被原隰

周京穆門

蕭條吹金風狼戾散玉

粒輸芒螯正肥截葦罅爭入

金志章繪友

勢若招潮來兀如

擁劒立

施安竹田

雌雄辨尖團足跪攢戟香

戴廷燔應亭

爬沙方

橫行郭索施就執

許大綸初觀

羣聲松濤喧怒沫竹雨濕

江鄭

筠市逢亥日饒卦取離象叶

世駿

解縛祇須臾受烹在

呼吸

顧之珽月田

內黃侯可封臥魏客爰集

金農壽門

畏柿盤戒

飢鳴薑廚待給

丁敬身

登筵堆紅銅破殼揭圓笠

吳城肌敦復

分側理呈指染清氣襲

陳兆崙星齋

流膏螭不如斫雪膾差

愜臍飽獨彭亨螯羸雙岌岌

梁啓心護林

入饌調鮮醢適口

佐米汁

汪臺復園

右挾虎斑翻左訝鸚嘴澀

星齋

雄啖恣攫

挈細剔勤掇拾拉雜外骨摧咀含內味浥

繪友

瞠目嗤

空匡夾舌詫攢鉞

竹田

珍逾烹鼎五饒舍裂餅十

月田

霧瀚枯已遲湯燐悔奚及

初觀

如何橫海豪罹此漑釜

泣

穆門

始知矜躁擾詎若永幽螫卽事聊感傷當食莫

快悵

筠谷

揉菊腥膩蠲搓橙香霧裊

設林

詞補樂府題

事隸秘書笈

敦復

橫琴想遺聲摹畫笑結習

鵬亭

拍浮

興已闌江湖思彌急

世駿

轉愁烟斂空預擬魚具葺

敬

身作志羨天隨吳淞理輕楫

復園

金觀察

志章

許孝廉

大綸

同過丁處士龍泓山館

看菊不值却賦

逸興橫空未肯休  
竹林微詠共山劉  
來敲白板尋高士  
欲把黃花弄素秋  
滿擬殷勤偕賦杞  
豈知浩蕩失盟鷗  
蕭蕭歸到城根坐  
乞與壺飧一獻酬

同人重過龍泓山館看菊

路轉城闌接板橋  
拍肩同過永和朝  
柴扃有菊見高致  
草徑到秋無俗條  
瘦影祇宜詩格寫  
孤懷不藉酒杯邀  
山翁別有餐英法  
疎樹畱雲掛藥瓢

布袍行爲貴陽蔣封翁

尚義作

貴陽先生貧非病  
大布爲衣見真性  
鉤邊縫取不羈疎

濶領裁來獨端正令聞廣譽能章身不要文繡歷俗塵  
紉針補綴剛千衲做縐稱量過九斤松毛喧處開三徑  
謾謾吹寒滿清聽瘦韞寬鞋體最便莊襟老帶行相稱  
南榮曝背虱初捫却有吳蠶自在溫攬臂定應招若士  
曳裾那肯向侯門門前攏袖閒雙手數徧銷寒圖九九  
愛日方尋輔體方春風不進延年酒純孝紛紛漬涕痕  
試持上服一招魂從教丙舍緹巾襲昭儉真堪長子孫  
鄭侍讀宅賦得早寒先到石屏風

山骨蒼然巧琢棱畫堂施放辟秋蠅涼陰不散屏雙疊  
肅氣先侵石一層倦僕倚來頭恐觸姪娥扶著手愁冰



溫家妙有生，襟句曉起揮毫怯。未能

飯楊太守百法禪房，取徑後院攀磴而上望江上諸峯。

幽尋不離山，獨客每依寺。感此淒緊晨風物，轉淒異孤樹。一巷黃葉脫不及，彗枯齋戀心朋。招拂取微醉，逍遙叶飛遯。淡漠順人事，清吟豈求佳。小陟但破睡，仄行循鳥迹。攀蘿接猿臂，蒙戎歷荒畦。宛轉出初地，恒情愼筋骸。歲晚無遠志，登望徒永懷。薄遊聊自恣，朔風念孤羈。菜把詎難致，山靈肯相邀。旬浹當一至。

挽包方伯

卅年休問被巖廊口繪民瘼近 御牀滄海幾人承雅  
化大星一夕隕寒芒新恩佇見酬官下故老猶聞哭路  
傍傳稿祇今畱史館不愁丹筆少輝光

冬日遊寶奎寺

佛屋不受塵目營已清瘡矧此巷尾深屈曲樹影換草  
磴依徑紆莓牆到山斷瘦面五六僧壞衲劣遮髀曬穀  
防鳥蹂種菜挾泉灌導客遵危岡寶刻耀天半風雲佐  
精靈雷電出宸翰嘉熙見滄字筆硬石不爛緬思捨宅  
人華構架幽仄閱世嗟已遙名山猶壯觀來遊倚腰脚  
登陟豈云憚精思發妙言事往迹可按悠悠百年心誰

復關理亂禪觀亦性餘境絕那忘翫山青無俗容江縮  
露遙岸寒空入決背望古一長嘆

同作

錢塘周京少穆

日落天宇靜冬初山氣肅木葉紛青黃簌簌幾修竹  
入門陟崇岡萬類騁游目左開風帆移右送沙鳥宿  
閭井浩烟海物產漲塵斛南來豐蟲魚北去冷沙漠  
尙有摩崖書喬相舊韋曲捨宅絕衆緣猶存主和牘  
蒼生殊可念世仇殆難復視茲一片石莽蒼暮烟矗  
宋室已禾黍甲第亦轉燭行在歸荒塗樓臺此佛屋  
時平歡會并相與招近局賦詩畱山門醉語不得續

雪後登金山作

疑有魚龍此嘯哀江天快截一帆來鼇擎地柱浮波立  
鵠旋罡風到塢迴殷閣鐘聲時却浪橫空雪色獨登臺  
坡仙一去塵緣隔誰倚虛廊試妙才

張

四利

雪中招集讓圃

紙窗漸增明清氣時襲罽開門歛羣聲境闢輒得訝荒  
荒緣僧蹊冒雪到精舍壓屋疑樹僵撐籬喜竹亞萬有  
不受塵積素孰所化枯吟避迴風跼縮在檐下沈思破  
重冥靜想接遙夜燎衣寒尙仍索酒但行炙

試第三泉

方池汨汨瀉寒泉，畱待詩人裹茗煎。  
攜屐不殊坊曲裏，披襟長在寺門前。  
難逢野衲鑽禪味，却與清宵破醉眠。  
翹首九龍山色好，竹籬無恙畫神全。

集瓶花齋同金

農丁敬方德發

寂寂空堂冷抱雲，喜君勝集遣相聞。  
梅邊削句宜清賞，閣外讎書正夕曛。  
幽興恐隨年漸減，春愁劣得酒平分。  
歸途只有城南好，一舸能將四隱君。

送姚

遠翻令米脂

名著翹材錄爲儒，乍釋巾非圖宰山。  
水差喜息風塵薄，俗艱施政寒邊晚。  
得春紛吾懷古意，從子訪周秦。

顧行人之斑

招集包家山看桃花分得微齊二韻

扶篙春水緩出郭野光微  
慧鳥銜花去晴烟繞樹飛  
竹風喧野寺石岸胷生衣  
爲倚吾廬近行游未肯歸  
山行不厭曲取道石橋西  
花好無荒徑晴多有斷溪  
入林逢野衲問竹得幽栖  
覓句斜陽外懸厓獨自題

哭鄭侍讀二首

邱山迴首意何窮卅載交親涕淚中  
白拂重拈花雨散黃壚一過酒盃空  
峩史筆畱殘藁鄭重經言付小同  
獨有畫圖春尙在梅花寂歷倚寒風

里巷追隨又二年抱經特愛鄭公箋  
恒言儀禮非難讀

道古堂詩集卷十一  
自信春秋必可傳  
遺命尙來求行狀  
小文長愧冠詩篇  
平生知己衰遲盡  
况對銘旌哭大賢

盆山

清齋有盆山迴巧  
出洲島懸厓寄青松  
分礪澗朱草設  
施類智者尺幅具  
畫藁泰岱峙東瀛  
二華插西顙胸中  
五嶽奇登探苦不早  
竭來見一拳亦足  
恣幽討位置固  
得宜爲爾轉憂燥  
出雲會有時倚天  
豈難到空懷蘊玉  
姿局曲此中老

道古堂詩集卷十一

終